



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.6.516/a

QVOD MEDICVS DEBEAT ESSE

ΠΟΛΥΜΑΘΗΣ.

ORATIO

Habita in Archi-Lyceo Patauino,
die 3. Nouembris, 1684.

A CAROLO PATINO.

EQVITE D. MARCI, DOCT. MED. PARIS.
PRIMARIO PRACTICÆ EXTR.
PROFESSORE.



VENETIIS, MDCLXXXIV.

Typis Io: Francisci Valuasensis,

Superiorum permissis.

Illustrissimo & Excellentissimo D.
D. FRIDERICO MARCELLO,
Academiae Patauinae Moderatori,
CAROLVS PATINVS.




*S*olemnem morem dedicatorij officij, fastidiosum illum quidem saepe sapius, nunc vero gratissimum lubens hodie arripio, atque amplector. Hinc enim se mihi facilis offert occasio testandi, ac palam faciendi summum meum erga te obsequium, humillimam erga te gratitudinem meam. Magna tibi debeo, Vir Illustriss. & Excell. qui mihi semper fauisti; Nec mihi inglorium fuerit, debitorem esse illi viro, cuius meritis, ac consilijs multum debere se fateatur ipsa Respublica, fateatur totus orbis litterarius. Magna quidem tibi debeo, at maiora in posterum, ut spero, ut auguror, tibi debebo. Pridem est quod graue quoddam saxum voluo, pridem est quod poma capiti meo imminentia at manibus fugientia meis capto. Quis me à Sisyphi ac Tantali misera sorte liberabit? Cogitanti mihi ac circumspicienti conclamat Vates, qui utinam vaticinetur,

TV MARCELVS ERIS.

Herculeus labor est, at dignus te tali ac tanto Heroe, cui nihil arduum est. Quod si primariam Medicinae dignitatem, votorum meorum fastigium, tuo iudicio consequar, tunc ego sanè vix grandis natu renasci mihi videbor:

Hæc æui mihi prima dies, hæc limina vitæ.

Hinc porro nouam hanc vitam tuo fauore mihi concessam totumque animum meum, ut nunc istud opusculum tibi dicabo, & nominis tui gloria in perpetuum consecrabo. Vale.





GABRIELIS CAROLA
LATINA

Susanna Maria Jacobi Sandrarti Filia fecit

Ad illustres & Excellentissimos D.
D. BERNARDVM MEMO
 INCLITE VRBIS PATAVINAE
 PRÆTORI E. M.

Idem Prologus.
 A Non vultis princeps, PIVS anne SEVERVS
 Cum quæro, item se mea Musa loquitur.
 Iustus est potior virtus, Clementis cadat.
 Nam nocet illa malis, sed nocet illa bonis.

CAROLVS CATHARINVS PATAVINVS
 Prætor, Academicus.

AD EVMD E. M.

(VERVM)
 Visitationis quædam ROMA PIVS quævisinde SE
 Quævisinde suo dicit nomine, seque capis.
 I. aut sua iustitia, et potior Clementis virtus.
 Erigit illa malos, efficit illa bonos.

CAROLVS CATHARINVS PATAVINVS
 Prætor, Academicus.

Ad Illustrissimum & Excellentissimum D.

D. BERNARDVM MEMO
INCLYTÆ VRBIS PATAVINÆ
PRÆTOREM.

Solutio Problematis.

AN fuit utilior princeps, PIVS an SEVERVS
Dum quæro, litem sic mea Musa secat.

Iustitia est potior virtus, Clementia cedat,
Nam nocet illa malis, sed nocet ista bonis.

GABRIELIS CAROLA PATINA,
Patina, Academica.

AD EVMDEM.

(VERVM
QUis melior quam ROMA PIVM, quemve inde SE
Quemque suo dixit nomine, scire cupis.

Laus sua Iustitiæ, at potior Clementia virtus,
Eripit illa malos, efficit ista bonos.

CAROLA CATHARINA PATINA,
Patina, Academica.

*Illustrissimi & Excellentissimi Viri, Illustriss. & Generos.
Proscindice, Patres sapientissimi,
Auditores humanissimi.*



Anta fuit apud priscos Mortales artium disciplinarum-
que existimatio, ut quò maiorem eis auctoritatem atque
dignitatem vendicarent, nobilissimas earum ab Auto-
rum diuinitate commendauerint. Magnum sanè quid-
dam visum est Antiquis, singula quæque inuenta,
aut longè præstantissima singulis assignare Numinibus,
rati mortalium animis nullos acriores additum iri sti-
mulos, quàm si clarissimis quibusque gloriarentur inuentoribus;
Nouerant Ambrosio teste, *primum discendi ardorem, ipsam esse
Magistri nobilitatem*. Mirum adeo nemini videri debet, si Veteres
ab Apolline artis medendi petant originem, iam à Delio Daphnem
alloquente, sibi vindicatam, apud Ouidium, *Inuentum Medicina
meum est*.

Nec immeritò Medicinæ dedicatorem atque propalatorem Antiqui
habuerunt Apollinem, mira siquidem huius cum Medico affinitas:
Ille enim Apollo, quem vnum & eundem esse cum Sole neminem
fugit, sicut calore suo omnia refocillat, & influxu viuifico plantis
animantibusque vitam largitur atque conseruat, ita Medicus artis be-
neficio lucis huius vsuram beneuolentibus tutatur, ægris alioqui mori-
turis restituit. Prolixitatis odio cæteras huius affinitatis rationes omit-
tam; Vnum illud vobis, Auditores, commemorare velim: Quemad-
modum Sol non vnum terræ angulum, sed integrum orbem, adeoque
totum mundum lumine suo collustrat, *nihilque est*, ut ait Propheta,
Regius, Ps. 20. 19. *quod abscondatur calori eius*, ita congruum est ut
illius cognitio qui absoluti Medici gloriam affectat, non vnarum rerum
ambitu contineatur, sed raptis quibus miserè circumscribitur a vulgo
cancellis, vsquequaque propageretur; meritòque de illo dici possit, quod
de sectæ suæ coryphæo cecinerat Lucretius,

Ille omne immensum peragrauit mente animoque.

Porro illud est quod impræsentiarum demonstrare satagimus, atque
hac oratione euincere, teneri Medicum multiungi rerum eruditione
pollere, & ut vno vocabulo Græci dicunt appositissimè, esse debere
contendo πολυμαθής.

Eò sanè litteratorum princeps Homerus, Medici vnus incolumitatem
quamplurimorum virorum saluti anteponendam esse pronuntiauit. Ea-
tenus enim vnus multorum est ἀνδρῶν, quatenus illorum doctrinam
complecti, eamque ut ita dicam gremio colligere vnus tenetur. Per-

A 2 spicuum

specuum illud fiet, si modò scientiæ nostræ quale sit argumentum, quisve huius scopus seriò attendamus.

Quæ in homine cognoscendo versatur Medicina, itidem occupatur circa ea omnia quibus eius incolumitas seruetur, atque amissa recuperetur. Quærenti quænam illa sint quæ in hominis vñs a Natura comparata sunt, paucis responderetur, Totam mundi compagem eius gratia conditam. Homini præcipuè concinnatum esse mundum, non modò fide compertum est, sed & grauissimorum Philosophorum autoritate comprobatum.

Quid plura? animal illud quem vocamus hominem, in quo intelligendo atque conseruando, Medicus, vti dictum est, allaborat, cui tota propemodum famulatur Natura, mundi etiam illius absoluta cùm sit epitome, quæcunque per vniuersum latius diffusa cernuntur, in hoc breuiario strictim collecta eluxisse Medico, homo nemo diffitebitur. Satis fuerit ad nostrum propositum vno vocabulo eoque decantatissimo pronuntiare, hominem esse *μικρόκοσμον*. Hinc amplissimæ scientiæ in Medico patet necessitas. Quis enim collectum hunc mundum non perspecta maioris illius natura intelligere se aut conseruare posse confidat? Nonne illa mutuo secum nexu coniuncta sunt & copulata, vt qui ad vniuersi notitiam hospes erit ac peregrinus, eum in eius breuiario medendo coecutire ac palantem aberrare necesse sit?

Idem ferè sibi voluit antiquus ille Philosophus Hippias qui hominem *μέτρον πάντων* rerum omnium mensuram esse statuit. Vnde Trochilus interrogatus quis ille esset qui perfecti Medici laudem mereretur, respondisse fertur *Ὁ τὰ δυνάτα καὶ τὰ μὴ δυνάτα διωιδάμενος διαγινώσκων. Is est qui quæ fieri possunt, quæve nequeunt, intellexit.*

Quid? quod nulla est scientia quæ non suam Medicinæ præministree operam, aut non eius gratiam ambitiosis vt ita dicam obsequijs promereri contendat. Scientiarum equidem illud est mutuum inter ipsas officium, ea omnium inter se concordia atque affinitas, qua omnes in vniuersum disciplinæ connectuntur. Vnde non illepidè dictum est à Plutarcho *περὶ φιλαδελφίας*, illas Iouis & Mnemosynes filias *Μῆσας* dici quasi *μῆσας simul euntes*.

Disciplinarum illud mirabile consortium Medicinam addiscentibus elucet è vestigio; Neque rem pro argumenti magnitudine, sed quoad potero paucis exequar. Atque vt à Logica incipiam, quisquam-ne est qui sibi medendi artem perspectam satis aut exploratam confidat, nisi prius scientiæ illius notitia imbutus fuerit, cùm ad alias perfectè comprobandas quàm maximè necessaria perhibeatur? Quæ ratione vnum ex alio colligatur docente Logica, quis sine ope illius euadat in perfectum Medicum? Nonne hac potissimum arte & præuidentur morbi, & idonea propulsandis aggritudinibus eliguntur remedia? Hinc ferè tota pendet nobilis illa Medicinæ pars quæ de morborum symptomati-
bus

bus edisserit ; & periculosi illi errores quibus in hoc argumento nimis vulgò erratur , plerique omnes sunt à vero syllogismo aberrationes , quæ dicuntur *σπρίσματα* vel cum à non causa pro causa quis ratiocinetur , aut ea quæ *κατὰ συμβεβηκός* & *per accidens* contingunt , ab intrinsicis & connaturalibus causis effluxisse existimantur , quæ quidem latius demonstrare non est huius loci .

Mathematicæ disciplinæ viro Medico non paruas afferunt utilitates : Quæ enim in Anatomie & Chirurgia tractantur de corporis humani structura ac varijs membrorum motibus , facilius perfectiusque tenebuntur ab eo qui Matheseos non imperitus fuerit , iuxta illud antiquum Philosophorum adagium , *Academiarum foribus inscriptum* , *ἐδὲ δὲ ἀγέμετρος ἐσοίτη* . Sed & celi terræque cognitiones aliquot Medico absolute necessariae sunt : Climatium , regionum , tempestatumque differentias nisi nouerimus , parum in medendo profecerimus . Quam scire iuuat cur copiosior sanguis vernali tempore sit emittendus , cur autumnali validioribus catharticis sit indulgendum . Grauius hinc peccant qui Anglis ac Italis pari formula medentur , quique Græcos ac Germanos simili modo curare tentant , his & illis sæpè sapius pernicioso .

Neque verò Medicinæ otiosam credideritis Metaphysicam , quæ & de primis edisserit principijs , & ad altissimas rerum causas assurgit . Harum enim prima principia non aliunde prima dicenda sunt , quam propter illorum independentiam ab alijs , cæterorum dependentiam ab ipsis : Docente Tertulliano , *prima illa rerum principia quantum magis naturalia , tantò communiora ; quantum communiora , tantò vniuersaliora ; quantum vniuersaliora , tantò cæteris longè priora ; quantum cæteris priora , tantò diuiniora* ; Qua postrema ratione , rerum altissimas causas intelligare , cum sit Methaphysicæ proprium , hoc quoque nomine pertinebit ad Medicinam , cuius etiam est profiteri inferiores pleròsque effectus à virium suprematum arbitrio pendere , iuxta celeberrimum illud Hippocratis effatum , in lue epidemica *ἄδύτη* inesse pronuntiantis .

Quid dicam de Ethica , quæ à Tullio *Scientia de moribus* appellatur ? Ea profecto non modo utilis sed summè necessaria est Medicinæ studio , cui nempe cæteri mortales valetudinem suam adeoque salutem credendam atque committendam putant , quanta , Deus immortalis , in hoc homine probitas ! Quanta religio desideratur ! Eò Medicinam ipsam per se sacram esse egregiè sanè Quintilianus affirmavit . Præterea cum ex obseruatione Galeni , quotidianaque experientia , ægritudines animi facere vt plurimum ad languorem constet apud Medicos , facile intelligitur quanta debeat esse necessitudo Ethicam inter & Medicinam cuius pars nobilissima curandis corporum morbis incumbit , adeoque illis quæ ab animorum ægritudinibus accedunt . Hinc magnam adeptus est gloriam antiquus ille Medicus qui à Demetrio Syriæ Rege vocatus , vt Antigoni filij sui sensim tabescentis abditum morbum detegeret non ei

ei occultum corporis inesse vitium intellexit, sed Stratonica Regina Demetrio desponsata amore flagrare atque macerari Antigonum apprehendit.

Physicæ porro notitia quàm strenuè sit Medico capeffenda, pluribus exponere superuacaneum est, cum ipsa tota quanta est Medicina Theorica ab ea pendeat, ac reuera dici possit huius pars nobilissima. Artibus adeo vinculis connectuntur inuicem, ut Physicam benè callere nequeat qui sit omnino Medicinæ imperitus, aut Medicinam qui Physicæ. Et sanè Philosophorū albo non meretur adscribi qui scientia nostra non deletur: Vnde est quod in egregio Plutarchi libello dicto *ὑγίεια παραγγέλματα* doctus quidam vir nomine Moschion iure inducitur *τῷ μὴ φιλιτρῶντε ἡλεπαίων φιλοσόφῳ*, qui videlicet succēset Philosopho Medicinæ incurioso.

Venio iam ad illam eruditionis partem quæ circa antiquitatem atque historiam occupata, veterum scripta, dicta, monumentaque complectitur. Hæc est illa litteratura multiplex *πολυμαθίας* nomine cum primis insignita, quàmquidem nonnulli ignorantia suæ magis patrocinantur quàm veritati velificantes, audent dicere superuacaneam, ego verò Medico cum ornando tum perficiendo summè vtilem assero & contendo.

Explodendi sanè illiberales & inhumani illi homines, qui liberalium artium & humanarum litterarum elegantiam a Medicorum consortio ablegare non erubescunt, Illos humanitatis insectatores & feritatis sectatores quis ferat? Et prætexunt quidem acre veritatis studium, sed reuera desidia suæ speciosum obducunt argumentum. Quasi verò ille solide rerum cognitioni valedixerit, qui ex vberissimo veterum recentiorumque penu scientias ornandas atque locupletandas curauerit. Imò sicut apes ex varijs hinc inde floribus succos suauiores melli conficiendo colligunt, ita prout loquitur Poeta Philosophus,

Omnia nos itidem depascimur aurea dicta.

Ex antiquis nouissimisque scriptoribus, haud prætermisissis rerum experimentis, Medicinam cum suauiore tum pleniorē laudamus. Exauctoratur scilicet Medicina, cum a barbarie vindicatur? Quin a Sapientibus viris Philologia dicta est *Sal omnis eruditionis*, ut intelligeretur in fœtorem abitum iri studia, nisi litterarum sale condirentur. Hoc profectò ornamentum si ab imperio disciplinarum exulauerit, nihil aliud Minerue nostræ superfit, quàm ager incultus, sentes absque floribus, vestis laciniosa & turpis, diadema sine gemmis, cœlum sine sideribus; adeo ut illi qui studiorum amœnitatem abdicant, itidem atque alij qui amicitiam tollebant ex hac vita, Solem è cœlo, ut verbis Ciceronis utar, eripuisse videantur.

At fortè Medicinæ studium ab illo cultu abhorret, nec sibi facilè congiungi patitur elegantioris litteraturæ consortium, Enimvero audiendum quid ea de re senserit grauiissimus scriptor Plutarchus, in laudato *de salutaribus præceptis* libello: *τῶν ἐλευθερίων τεχνῶν ἰατρικὴ τὸ μὲν γλαφυρὸν καὶ περιττὸν καὶ ἐπιτερεῖς ἑδωκυῖα ἐνδεέστερον ἔχει.* *Inter artes liberales nulla est quæ ele-*

ele-

elegantia, ornatu atque amœnitate Medicinam superet. Sicubi sanè, quod nimium sæpè contingit, in pertractanda Medicina aliquid asperum, inconditum, & insuave occurrit, id omne Medicorum socordia nedum artis vitio imputandum est. Atque illud est segnitiae flagitium, cuius atrocitatem Plinius exequitur, *Artes, inquit, desidia perdit.* Næ, mihi Medicus ille frigidus & insulsus habetur qui litterarum amœnarum prorsus imperitus nihil aliud quàm purgare, secare, vrere valeret, & ad dolorem duntaxat carnificinamque natus esse videatur. Nec pudet illos eruditionis contemptores obgannire, morbos non sanari eloquentia; atqui multo minùs barbarie leniuntur ægri tudines. Quin prima gratia illa est quæ debetur Medico, liberalibus studiis instructo, ægotantis animum aptis iucundisque sermonibus sic venatur, ut medicaminibus ad quæ primum nauseabat, eloquentia Medici captus inhare videatur. Neque verò ita insanimus ut statuamus elegantiorum litterarum peritiam viro Medico sufficere; id solùm volumus atque contendimus, horum studiorum amœnitate, cum omnes scientias tum præcipuè Medicinam ornari atque perfici, ut ei qui in perfectum Medicum euadere cupit, non prætermittenda sit hæc eruditio.

Enimvero quis absque linguæ Græcæ notitia, morborum & symptomatum quæ in Medicina pertractantur, vel sola nomina intelligere valeat? Ita enim est comparatum ut artis nostræ propemodum omnia vocabula Græciæ originem debeant. Inde est profectò quod miremur tam præstantem tantque necessariam linguam vulgò neglectam iacere, & quæ Romanorum delicias olim faciebat, adeo nunc susque deque haberi, ut periculum sit ne breui perinde atque Ægyptiaca inter mortuas obsolescat, & ab hominum incuriosorum memoria oblitteretur. Iam olim conquestus est Horatius quòd seriùs Græcas litteras Romanus addidit, & *Græcis admouit acumina chartis.*

At quàm dolendum sit Græcæ linguæ studium tantopere apud Medicos frigere, vel hoc vno perspicere potest, nobilissimas vtilissimasque Medicinæ assertiones, quæ hominum recentiorum inuenta perhibentur, (ut inter eas præcipuum obtinet locum sanguinis circulatio) Græcis pridem compertas fuisse, & in ipsorum scriptis studiosè enucleatis tanquam gemmas preciosissimas inueniri. Id tamen quamuis pro argumenti dignitate demonstrare haud nimis arduum foret, ita iam nobis orationis metæ inminentibus in aliud tempus remittere consultiùs videtur.

His in hunc modum hætenus demonstratis, quid superest nisi ut concludamus variam & multijugam rerum fere omnium eruditionem vno vocabulo *voluptatis* quam pertendimus, in Medico desiderari.

Talem porro peritiam adeo non requirunt, ut & vituperare audeant morosi quidam Medici, praxeos imò lucri vnicè studiosi atque aucupatores. Veterator scilicet atque indignus qui eximium illum eruditionis fructum attingere nequit, arte vulpina carpit, & quod nequidem pri-

primoribus labijs degustauit, id ore canino ammordet. Res est ridicula ac nimis iocosa audire illum in alijs facete sugillandis superbientem ac sibi ipsi abblandientem. *Calleant illi, inquit, plantarum vires naturamque, sed interim ad hortos montesque relegendur. Damnentur ad metalla qui scrutandis mineralium virtutibus incumbunt. Nodum in scirpo querunt qui abditiore natura secreta inuestigantes, tanta cum sedulitate microscopio delectantur. Historias antiquitatesque tractent qui confabulationibus illis capiuntur. Orent in templis aut in foro qui dicendi facultate prestant. Professores sint Medicina qui morbos apprimè noscunt, qui causas inuestigant, qui symptomatum minutijs incumbunt, quique reconditis, ut aiunt, signis euentum morbi prænuntiant. Hac omnia doceant, atque in orbe celebrentur eruditi Philosophi, & ut loqui amant, πολυμαθεῖς αὐτοί, per me licet, non equidem inuideo, mihi modo prescribendi gloria utilitasve relinquatur. Mihi soli cum agrotantibus agere liceat; Prescriptorum iuxta ac medicamentorum fœderata penus nunquam exhaurietur. Adde, ô scelette, Nec bona mihi deerit Lauerna, quæ dabit fallere; quæ noctem peccatis & fraudibus nubem obijciet.*

Siccine artem sacram exerces, Perfide, qua ut nihil est nobilius, ita nihil purum atque inuiolatum magis, esse deberet. Maleferiatis tuis probris satis perspicue testaris te non modo Polymathie valedixisse, sed suffragane deque philosophia habere religionemque Christianam quæ ab omni iniuria, calumnia, αἰσχροκέρδιᾳ tantopere abhorret. Imo neque Hippocratis mores ac doctrinam imitari sustines, qui cum per omnem honestarum artium cultum adolescentiam transegisset, & exemplo Pythagoræ, Platonis aliorumque R.P. litterariæ heroum, patria relicta, multorum prouidus vrbes & mores hominum ut inspiceret, peregrinatus esset, tandem maximo rerum usu πολυμαθεῖς αὐτοῦ euasit.

Optimi senis probitatem summæ coniunctam elegantiorum rerum eruditioni amplissimis honoribus Athenienses decorauerunt, quam & posteri æternum venerabuntur; & eò magis quò minùs illam imitari fatigamus. Proh pudor! Referant quotquot hic visuntur ædes, palatia, theatra, simulacra, statuae, innumeraque. Cll. Medicorum monumenta, publico priuatoque decori sacra, quid de Conditorum suorum gloria decantent? Loquere, ô alma ciuitas Patauina, cuius splendorem per totum orbem terrarum ampliauerunt Medici? Æquo ne animo elegantiores litteras sperni vltèriùs perferes? Et Tu Ser. Respublica, Musarum vindex, quibus oculis hoc dedecus intueris? Sed meum non est vestram perscrutari mentem. Ad Te redeo, qui πολυμαθὴς in Medico amolientem statuis: Muta si sapis consilium, & si solis agrotantibus visitandis incumbis, saltem amanarum Musarum cultores noli infans laceffere maledictis. Imò vigeat ac floreat πολυμάθεια, quæ ut Patauina ciuitati huicque archilyceo pristinum decus, sic arti nostræ egregium ornamentum, & Medicis gloriæ apicem reddere atque instaurare poterit. Dixi.

005644145